

Ikiaroornartut pillugit Namminersorlutik Oqartussat nalunaarutaat

Ikiaroornartut pillugit Inatsisartut inatsisaanni nr. 24, 25. november 2022-meersumi §§ 1, 2 aamma 4 aamma § 5, imm. 2 aamma 3 naapertorlugit aalajangersarneqarput:

Nassuaatit

§ 1. Nalunaarummi uani ikiaroornartut pineqartut imatut paasineqassapput nakorsaatit, naasut aamma uumasunit naasuniillu nakorsaasiat, nalunaarummut allattorsimaffinnut A-mut, B-mut, C-mut, D-mut E-mullu ilanngunneqartut, ikiaroornermik sunniuteqartarnerannik sunniuteqartannginnerannilluunniit erseqqissumik uppernarsaateqarnersut apeqqutaatinnagit kiisalu taratsut aammalu ikiaroornartunit pineqartunit pileriaannaat. Tassunga ilanngullugit esterit æterillu, ikiaroornartut taakkulu tarajui imaluunniit taakkunanit pilertut akoqanggilluinnarnersut, ilaannakortumik sanaajunersut, pinngortitameersuunersut akuutissanilluunniit sananeqarsimanersut apeqqutaatinnagit. Ikiaroornartunik taamatuttaaq paasineqassapput piareersakkat allattorsimaffimmik ikiaroornartunik, naasunik aamma uumasunit naasuniillu nakorsaasiassanik kiisalu taratsunik ikiaroornartuniillu pineqartunit pileriaannarnik taaneqartunik akullit sananeqarsimasulluunniit tamarmik, taamaattorli imm. 4 takuuk.

Imm. 2. Imm. 1-imti taaneqartunik allattukkanik nutarsaanissap pisariaqarnera pillugu naalakkersuisoqarfip ilisimatinneqarnissaannut Nunatsinni Nakorsaaneqarfik pisussaaffeqarpoq.

Imm. 3. Piareersakkanik pineqarput: arrottat, kimikillisakkat, tangit qalatat, kimittusisitsinerit, imigassami arrottitsinerit, sunilluunniit nakorsaasiornikkut nakorsaatissat, kiisalu ikiaroornartunik aamma uumasunit naasuniilluunniit nakorsaasiassanik piareersakkat, taamaalluni ikiaroornartut pissutsimikkut allanngortinneqarnatik.

Imm. 4. Ikiaroornartunut imm. 1 -imi taaneqartunut ilaangillat allattorsimaffimmik B-mi nr. 59-imut eqqaanartut taakkuninggalu piareersarneqarsimasut uumasunit naasuniilluunniit nakorsaasiassat, piumasaqaatit uku naammassineqarsimappata:

- 1) uumasunit naasuniilluunniit nakorsaasiassaq imaluunniit piareersagaq tetrahydrocannabinolimik akoqangippat imaluunniit tetrahydrocannabinolimik annerpaamik 0,2 pct.-imik akoqarpat,
- 2) uumasunit naasuniilluunniit nakorsaasiassaq imaluunniit piareersagaq Nunatsinni Nakorsaaneqarfip akuerisaanit eqquussuisut arlaannit nunamut eqqunneqarsimappat, tak. § 9, aamma
- 3) uumasunit naasuniilluunniit nakorsaat imaluunniit piareersagaq maani nunami quersuarmi assigisaaniluunniit, inatsisitigut pisinnaatitaasumiit pisussaatitaasumiillu oqartussaaffigineqartumi tiguneqareerluni siammerternissaa siunertaralugu immikkoortukkuutaarlugit eqqunneqarpat.

Allattuiffimmi A-mi, B-mi, C-mi, D-mi aamma E-mi allanneqarsimasunut ikiaroornartunut aalajangersakkat nalinginnaasut

§ 2. Ikiarоornartut allattuiffimmi A-mi allanneqarsimasut maani nunatsinneeqqusaanngillat, Nunatsinni Nakorsaaneqarfik immikkorluinnaq pisoqarneratigut aamma erseqqinnerusumik aalajangersarneqartumik piumasaqarnikkut tamatumunnga akuersisimanngippat.

Imm. 2. Imm. 1 malillugu akuersissummut ilaasut eqqaassanngikkaanni ikiarоornartunik imm. 1-im taaneqartunik eqquissineq, annissineq, tunisineq, pisineq, tunniussineq, tigusineq, sananeq, piareersaaneq paarisaqarnerlu inerteqqutaapput.

§ 3. Ikiarоornartut nunami maani taamaallaat nakorsaanissaq imaluunniit ilisimatusarnissaq siunertaralugu atorneqaqqusaapput.

Imm. 2. Ikiarоornartunik eqquissineq, annissineq, tunisineq, pisineq, tunniussineq, tigusineq, sananeq, piareersaaneq paarisaqarnerlu taamaallaat nalunaarummi matumani aalajangersakkat naapertorlugit pisinnaapput.

Tunniussineq

§ 4. Nakorsaatit pillugit inatsisartut peqqussutaat naapertorlugu malittarisassat matumunnga aalajangersarneqartut naapertorlugit ikiarоornartunik nakorsaatissatut atugassanik tunniussinissaq taamaallaat akuerisaavoq.

Tigusineq paarisaqarnerlu

§ 5. Ikiarоornartunik tigusineq paarisaqarnerlu ukununnga taamaallaat akuerineqarpoq:

- 1) Inuit ingerlataqarfillu malittarisassat qaqguluunniit atuuttut naapertorlugit nakorsaatissanut allagartat imaluunniit allagaq naapertorlugu ikiarоornartunik tigusisut, imaluunniit nakorsatinik nassiussuinermi malittarisassat atuuttut naapertorlugit uumasut nakorsannit imaluunniit nakorsamit ikiarоornartunik tigusisut.
- 2) Inuit katsorsartinnermut atatillugu nakorsamit, kigutit nakorsannit, umiarsuup naalagaanit imaluunniit timmisartortartut naalagaannit ikiarоornartunik pisartagaqartut.
- 3) Pisortanit pigineqartut pinngortitalerinkut, nakorsatut ilisimatusarnermi atortorissaarutitigullu laboratoriat ingerlataqarfillu laboratoriami imaluunniit pisortat suliffianni pineqartumi pisortap arlaannit atsiorneqarsimasoq allagartaq naapertorlugu ikiarоornartut ilisimatusarnermi atornissat siunertaralugu ikiarоornartunik pisartagaqartut.
- 4) Nunatta Nakorsaataasivia, nunap immikkoortuini napparsimmaviiit, peqqissaaviit, peqqissaasoqarfait il.il., aammalu uumasut nakorsaat.
- 5) Inuit, suliffeqarfait, laboratoriat ingerlataqarfillu Nunatta Nakorsaaneqarfianit matumunnga akuerineqarsimasut.

Toqqortaatit

§ 6. Nunatta Nakorsaataasivia, nunap immikkoortuini napparsimmaviit allallu ikiaroornartunik tunniussinissamut pisinnaatitaasut ingerlatsinerup nalinginnaasup attannissaanut piumasarineqartunit allanik ikiaroornartunik amerlanerusunik uninngasuuteqaqqusaanngillat.

Imm. 2. Ikiaroornartut Nunatta Nakorsaataasiviani, nunap immikkoortuini napparsimmavinni, peqqissaavinni, peqqissaasoqarfinni il.il. aammaluu umasut nakorsaqarfinni, ikiaroornartut nakorsaatit pillugit Inatsisartut peqqussutaat naapertorlugu aalajangersarneqartumi tamanna pillugu malittarisassat atuuttut malillugit inissinneqassapput.

Imm. 3. Ikiaroornartut illersorneqarsinnaasumik aamma inunnit susassaqanngitsunit tikikkuminaatsuni kiisalu inuussutissanit inuulluarniutiniillu immikkoortillugit inissinneqarsimassapput.

Imm. 4. Ikiaroornartunik inissiineq illersorneqarsinnaasumik poortorneqarsimassapput imarisaata taaguutaanik nalunaaqutserneqarsimallutik.

Nioqquteqarneq

§ 7. Ikiaroornartunik nioqquteqarneq Nunatta Nakorsaataasivianut aamma nakorsaatit pillugit inatsisartut peqqussutaat malillugu maleduagassat aalajangersorneqarsimasut malillugit, nunap immikkoortuisa napparsimmaviannut kiisalu inunnut suliffeqarfinnullu Nunatsinni Nakorsaneqarfimmit tamatumunnga akuersissuteqartumit taamaallaat akuerisaavoq.

Imm. 2. Akuersissummiit erseqqissumik allamik allassimasoqanngippat taamaallaat tassaniippoq nakorsasiornikkut immikkut suliatut isikkoqartunik imaluunniit poortorneqarsimatillugu tuneqqinnejartussanik, poortoqqinnejarsimannngitsunik imaluunniit oqimalutaqqineqarsimannngitsunik ikiaroornartunik nunami maani nioqquteqarsinnaaneq. Akuersissummit allamik allassimasoqanngippat tassunga aamma ilaangilaq ikiaroornartunik eqqussisinnaaneq imaluunniit annissisinnaaneq.

Imm. 3. Ikiaroornartunik niuermissamut akuersissut, akuersissummi erseqqissumik allamik allassimasoqanngippat, akuersissummi allassimasumiit najukkamiit niuernermut killeqartinneqarpoq. Immikkoortortaniit niuerneq immikkut akuersissuteqarnermik pisariaqartitsivoq taamaallaallu pingaarnertut quersuarmiit tiguneqartuniit poortukkanit ammarneqanngitsuniit pisinnaalluni. Eqqussineq annissinerlu

§ 8. Ikiaroornartunik allattorsimaffimmi A-mi, B-mi, C-mi, D-mi aamma E-mi allassimasunik eqqussineq annissinerlu nakorsaatit pillugit inatsisartut peqqussutaat naapertorlugu matumunnga malittarisassat aalajangersarneqartut naapertorlugit taamaallaat akuerisaapput.

Imm. 2. Imm. 1 ikiaroornartunut allattorsimaffinni D-mi aamma E-mi allassimasunut, matumunnga aalajangersakkat aalajangersarneqartut naapertorlugit umiarsuarni nakorsaataasivinniittunut imaluunniit timmisartuni ikiueqqaarnermi karsiniittunut imaluunniit Naalagaaffeqatigiinnermi ilaaniittunut nassiussinernut atuutinngilaq.

§ 9. Nunatsinni Nakorsaneqarfik allakkatigut qinnuteqaammik tigusaqarnerup kingorna allattorsimaffik B-mi nr. 59-imni allanneqartunut eqqaanartunik taakkuninngalu piareersakkanik umasunit naasuniilluunniit nakorsatinik, ilisimatitsissutigineqartut malillugit tetrahydrocannabinolimik

akoqanngitsut imaluunniit tetrahydrocannabinolimik annerpaamik oqimaassusaata 0,2 pct.-ianik akulinnik eqqussinermut akuersissuteqarsinnaavoq.

Imm. 2. Imm. 1 naapertorlugu qinnuteqaatit paasissutissanik Nunatsinni Nakorsaaneqarfiaup akuersisummik tunniussisinnaanissaanut pisariaqarsorisaanik imaqassapput, tassunga ilanggulligit:

1) Paasissutissat uumasunit naasuniilluunniit nakorsaatisiassap piareersakkalluunniit nioqqutissami erseqqissumik nassuiarneqarsimasumi suussusersineqarsinnaasumiluunniit atorneqarsimaneranik nassuaasut, aamma

2) nioqqutissami § 1, imm. 4, nr. 1-imi piumasaqaatip eqqortinneranik upternarsaat.

Imm. 3. Imm. 1 naapertorlugu akuersissutit taamaallaat inatsisitigut pisinnaatitaasunut pisussaatitaasunullu nalunaarutigineqarsinnaapput.

Imm. 4. Imm. 1 naapertorlugu inatsisitigut pisinnaatitaasut pisussaatitaasullu uumasunit naasunilluunniit nakorsaasiassanik eqqussinissamut akuerineqarsimasut akisussaaffigivaat, tunisassiani eqqunneqartuni tamani § 1, imm. 4, nr. 1 naapertorlugu tetrahydrocannabinolimik annerpaamik oqimaassusaata 0,2 procentianik akulinnut killissarititaasoq malinneqassasoq.

Imm. 5. Akuersisummik pissarsinermi piumasaqaatinik sukumiinerusunik Nunatta Nakorsaaneqarfia aalajangersaasinnaavoq. Akuersisummik naammassinnittoqanngippat Nunatta Nakorsaaneqarfiaata akuersissut atorunnaarsissinnaavaa.

§ 10. Ikiaroornartunik eqqussineq aamma annissineq taamaallaat Naalagaaffeqatigiinnerup iluani nuna ataaseq aqqutigalugu pisinnaavoq.

Sananeq, naatitsineq poortueqqinnerlu

§ 11. Ikiaroornartunik allattorsimaffinni A-mi, B-mi, C-mi, D-mi aamma E-mi allanneqarsimasunik naatitsineq sananerluunniit, imatut paasillugu ikiaroornartunik kemi atorlugu allangortitsinkkut imaluunniit pinngortitameersunik sanaassanit immikkoortitsinkkut ikiaroornartunik taama ittunik pilersitsinerit kiisalu ikiaroornartunik taama ittunik allangortitsinerit nakorsaatit pillugit inatsisartut inatsisaat naapertorlugu matumunnga malittarisassat atuuttut naapertorlugit taamaallaat akuerisaapput.

Imm. 2. Imm. 1 aamma ikiaroornartunik misileraalluni naatitsinernut, sananernut imaluunniit allangortinniarnerinut atorneqarpoq.

Imm. 3. Imm. 1-imi taaneqartutut suliaqarnermi, inuit susassaqanngitsut ikiaroornartunut periarfissaqassanngillat aamma ikiaroornartunik taama ittunik peqquserlulluni ilanggaasoqarnissaata pinaveersaartinnissaanik qulakkeerinninniarluni nakkutiginnittoqassalluni.

Imm. 4. Imm. 1-imi taaneqartunik ikiaroornartunik poortukkat niuertarfinnut niuertunillu pilersuisunut naatsorsuutigineqartut imatut matoqqassapput poortukkap ammarneqarsimanera ajornanngitsumik takuneqarsinnaalluni.

Imm. 5. Imm. 1-imi aamma 2-mi aalajangersakkat pisortanit pigineqartuni pinngortitalerinikkut, nakorsaanermi ilisimatusarfinni atortorissaarutitigullu labororiani suliffinnillu ilisimasartusarnissaq siunertaralugu allattuiffik D-mi aamma E-mi ikiaroornartunik allassimasunik sananermut imaluunniit allangortitsinermut atorneqassanngillat.

Naatsorsuutit

§ 12. Nunatta Nakorsaataasivia, nunap immikkoortuini napparsimmavii, peqqissaaviit, uumasut nakorsaat kiisalu umiarsuit naalagai aamma timmisartuni ikiueqqaarnerni atortunut akisussaasut, nakorsaatit pillugit Inatsisartut peqqussutaat naapertorlugu aalajangersarneqartuni tamanna pillugu malittarisassat qaqgukkulluunniit atuuttut naapertorlugin allattorsimaffik A-mi, B-mi, C-mi, D-mi aamma E-mi allassimasunik ikiaroornartunik uninngasuutit pillugit naatsorsuusiortassapput.

Imm. 2. Inuit, suliffeqarfut, laboratoriat ingerlataqarfullu Nunatsinni Nakorsaneqarfimmit imm. 1-imi allanneqarsimasunik ikiaroornartunik ingerlataqarnissamut akuersissuteqartut, ikiaroornartut pillugit imatut naatsorsuusiortassapput, paasissutissat ukununnga tunngasut qaqgukkulluunniit takuneqarsinnaassallutik:

- 1) Pisineq, tassunga ilanngullugu eqquissineq, suuner, annertussusii, pilersuisoq, toqqorsivimmur eqqunneranut ulloq, akiligassamut innersuussineq eqqussinermilu upternarsaatip normua allassimassallutik.
- 2) Tunisineq, tassunga ilanngullugu annissineq, nr. 1-imi allanneqarsimasunut naapertuuttumik allanneqartut.
- 3) Piareersakkanut atuineq. Piareersakkanik sananerni tamani ikiaroornartunik aamma uumasunit naasuniilluunniit nakorsasiassanik atuineq pillugu naatsorsuusiortoqassaaq. Piareersakkat nalunaarummi matumani aalajangersakkanut tunngasut eqqarsaatigalugit, piareersakkanit pineqartunit iluanaarutit aamma sananermi immiinermilu takorluukkatut iluanaarutinit nikingassutaasut allanneqassapput.
- 4) Oqimalutaanermi takorluukkatut iluanaarutinit nikinganerit imaluunniit tunisassatut eqqarsaatigineqartunik ikiaroornartunik pineqartunik mikininngorlugit aggorlugit immiinerit.
- 5) Piareersakkanik nr. 3-mi taaneqartunik, imm. 1-imi ikiaroornartunut taaneqartunut ilaatinneqanngitsunik taakkunangal annissinissamut akuersissuteqartariaqanngitsunik annissineq.
- 6) Misissueqqissaarnermik siunertaqartumik atuineq aamma suunera, annertussusaa aamma atuinerit ataasiakkaat ullui allanneqarlutik misileraanerit misissueqqissaarnermik imaluunniit ikiaroornartup pineqartup atorneqarsimaneranut misiliinermik nalinginnaasumik upternarsaasumik allaaserinninneq.
- 7) Ikiaroornartut eqqaaneqartut aserorterneqartut annertussusii.
- 8) Ikiaroornartunut allanut imaluunniit ikiaroornartuunngitsunik allanik allanguineq ikiaroornartut taaneqartut annertussusii suunerilu kiisalu taakkunangga pissarsiat.
- 9) Ikiaroornartut eqqaaneqartut sananeqartut imaluunniit naatinneqartut annertussusii.
- 10) Ikiaroornartunik taaneqartunik sananermi atorneqartut immikkut atortussiat annertussusii.
- 11) Toqqorsivinni pigineqartut ikiaroornartut taaneqartut annertussusii, imatut immikkoortiterneqarlutik takuneqarsinnaalluni ikiaroornartut imaluunniit naasunit nakorsasiassat pigineqarnersut, suliarineqarnersut, piareersarneqarlutik naammassineqarsimasut aamma tuniniagassatut poortorneqarsimallutik naammassisimasut qanoq annertutigisut.
- 12) Ikiaroornartunik taaneqartunik naatitsinermi atorneqartut naasut annertussusii.

Imm. 3. Imm. 1-imi ikiaroornartut immikkoortortat aqqutigalugit niuerutigineqarpata taakku immikkut naatsorsuusiorneqassapput.

Imm. 4. Ikiaroornartunik imm. 1-imi taaneqartunik suliaqarnermut tunngatillugu naatsorsuutit allallu allagaatit sivikinnerpaamik ukiuni pingasuni toqqorsimaneqassapput.

Imm. 5. Imm. 1-imni taaneqartunut ikiaroornartunut tunngasunik toqqorsivinniittunik naatsorsuineq akuttunngitsumik isumagineqartassaaq, taamaattorli qaammatini pingasukkaani ikinnerpaamik ataasiarluni.

Ikiarоornartunik ingerlataqarfit allat

§ 13. Annissinermut eqqussuinermillu, pilersuinermit, sananermit imaluunniit niuernermit allaanerusumik ikiaroornartunik ingerlataqarnerit allat Nunatsinni Nakorsaaneqarfimmit tamatumunnga akuersissuteqartunit inunnut, suliffeqarfinnut, labororianut ingerlataqarfinnullu taamaallaat akuerisaavoq.

Imm. 2. Imm. 1-imni aalajangersagaq apeqqutaatinnagu pisortanit pigineqartut pinngortitalerinikkut, nakorsatut ilisimatusarnermi atortorissaarutitigullu labororianut ingerlataqarfinnullu, ingerlataqarfip nalinginnaasumik suliaqarfiata iluaniittunut siunertanut ikiaroornartunik immikkut akuersissuteqarnani atuisoqarsinnaavoq.

Ikiarоornartunik ingerlataqarnermut akuersissutip utertinneqarnera

§ 14. Ikiarоornartunik suliaqarnissamut akuersissut Nunatsinni Nakorsaaneqarfimmit nalunaarutigineqarsimasoq qaqugukkulluunniit atorunnaarsinneqarsinnaavoq. Akuersissummut atasut naammassequsat piumasaqaatillu eqqortinneqarsimanngippata, Nunatsinni Nakorsaaneqarfip nakkutilliisuanit peqqussutaasut malinnejqarsimanngippata, imaluunniit ikiaroornartunik suliaqarnerup isumaginerani mianersortoqarsimanngippat imaluunniit sumiginnaasoqarsimappat akuersissutip nalunaarutaasimasup atorunnaarsinneqarnissaa naatsorsuutigineqarsinnaavoq.

Imm. 2. Nunatsinni Nakorsaaneqarfip ikiaroornartunik suliaqarnissamut akuersissut nalunaarutigineqarsimasoq qaqugukkulluunniit killilersinnaavaa imaluunniit allanngortissinnaavaa.

Imm. 3. Ikiarоornartunik suliaqarnissamut akuersissummik nalunaarutigineqarsimassumik utertitsisoqarpat ikiaroornartunik uninngasuutit qanoq pineqassanersut pillugit Nunatta Nakorsaataasivia erseqqinnerusumik aalajangersaasinnaavoq.

Nakkutilliineq

§ 15. Suliffeqarfif, laboratoriat ingerlataqarfillu ikiaroornartumik suliaqarnissamut Nunatsinni Nakorsaaneqarfimmit akuersissuteqartut ikiaroornartut eqqortumik isumaginissaannut akisussaasumik inummik toqqaassapput.

§ 16. Nunatta Nakorsaataasivia, nunap immikkoortuini napparsimmavii, peqqissaaviillu ikiaroornartunik suliaqarnerannik Nunatsinni Nakorsaaneqarfik nakkutilliissaaq.

Imm. 2. Matumunnga malittarisassat atuuttut naapertorlugit uumasut nakorsaasa ikiaroornartunik ingerlataqarnerannik nakkutilliisoqassaaq.

Imm. 3. Ikiarоornartunik suliaqarnissamut Nunatsinni Nakorsaaneqarfimmit immikkut akuersissuteqartunik inunnik, suliffeqarfinnik aamma labororianik Nunatsinni Nakorsaaneqarfik nakkutilliissaaq.

Imm. 4. Taakku ikiaroornartunik suliaqarnerannut tunngasunik pisortanit pigineqartut pinngortitalerinikkut, nakorsatut ilisimatusarnermi atortorissaarutitigullu labororianik pisortallu suliffiniq Nunatsinni Nakorsaaneqarfik nakkutilliisinhaavoq.

Imm. 5. Pisariaqarsorineqarpal naapertuussorineqarpallu nakkutilliinermik oqartussaasut allat imm. 2-mi taaneqartutut nakkutilliisassut Nunatta Nakorsaaneqarfia aalajangersinnaavaa.

Imm. 6. Nakkutilliinerit imm. 1-4-mi eqqaaneqartut pisariaqartinneqartutut akulikitsigisumik ingerlanneqassapput. Oqartussat nakkutilliisut ininut, uninngasutinut, atuakkanut niuernermilu pappiaqqanut, suliaqarnermut pineqartumut tunngatillugu nakkutilliinissamut pisariallit akornuserneqaratik pissarsiarisinnaavaat.

Imm. 7. Inuk, suliffeqarfimmik piginnittooq, laborioriami imaluunniit ingerlataqarfimmi aqutsisoq nakkutilliisup kissaatigisinnaasaanik ikiaroornartunik suliaqarnermut tunngasunik paassisutissanik tunniussinissamut qaqugukkulluunniit pisussaaffeqarpoq.

Imm. 8. Amigaatit, nakkutilliinermi upternarsarneqartut ingerlaannartumik iluarsineqassapput.

Immikkut ittumik akuersissuteqarneq

§ 17. Nunatsinni Nakorsaaneqarfik § 5-imit, § 10-mit, § 12, imm. 2-mit, 4-mit aamma 5-imit aammalu § 15-imit immikkut akuersissuteqarsinnaavoq, akuersissut peqqissutsitigut aarlerinartutut pingaarutilittut nalilerneqangippat pissutsillu immikkut ittut matumunnga pissutissaqartitsippata.

Imm. 2. Danmarkimi Lægemiddelstyrelsenimut ilisimatitsisoqareerpat aatsaat imm. 1 naapertorlugu Nunatsinni Nakorsaaneqarfik § 10-mit immikkut akuersissuteqaqquaavoq. Ilisimatitsisummi Nunatsinni Nakorsaaneqarfik eqqussinermi imaluunniit annissinermi upternarsaammik Danmarkimi Lægemiddelstyrelsenimut qinnuteqassaaq aammalu nunami eqqussifiusussami annissifiusussamiluunniit oqartussaasut susassaqartut eqqussinermi imaluunniit annissinermi upternarsaammik qinnuigineqassallutik.

Pineqaatissiissutit

§ 18. §§ 2-8-mik aamma § 9, imm. 3-mik, § 10-mik, § 11-imik, 12, imm. 2-5-imik, § 13, imm. 1-imik, § 14 imm. 3-mik, § 15-imik, aamma § 16, imm. 7-imik, aamma 8-mik unioqqutitsisoq pinerluttulerinermi inatsit malillugu pineqaatissinneqarsinnaavoq.

Atuutilersitsinermi ikaarsaarnermilu aalajangersakkat

§ 19. Nalunaarut 22. april 2024-mi atuutilissaaq.

Imm. 2. Tamatuma peqatigisaanik Ikiaroornartut pillugit Namminersorlutik Oqartussat nalunaarutaat nr. 59, 15. november 2023-meersoq atorunnaarsinnejqarpoq.

Imm. 3. § 9, imm. 1 naapertorlugu qinnuteqaatit nalunaarutip matuma atuutilernerata kingorna naammassineqarsimangitsut nalunaarut manna naapertorlugu suliarineqassapput aalajangiiffiqineqarlutillu.

Namminersorlutik Oqartussat, ulloq 19. april 2024

Agathe Fontain (atsior.)
Peqqissutsimut Naalakkersuisoq

/ Nike Berthelsen (atsior.)

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut